

प्रति॒तिष्ठ॑न्तो॒यन्ति॑ । अ॒ग्नि॒ष्टो॒माः परः॑ सा॒मानः का॒र्या-
इत्याहुः॑ । अ॒ग्नि॒ष्टो॒मस॑म्मितः सुव॒र्गा लो॒क इति॑ । द्वा-
द॒शाग्नि॑ष्टोमस्य स्तो॒त्राणि॑ । द्वा॒द॒शमा॑साः संवत्सरः । तत-
नसू॒र्य्य । उ॒क्था ए॒व सप्त॑द॒शाः परः॑ सा॒मानः का॒र्याः ॥ १ ॥

प॒शवो॒वा उ॒क्थानि॑ । प॒शूना॑मव॒रुध्यै॑ । वि॒श्वजि॒दभि-
जि॒ताव॑ग्नि॒ष्टोमौ॑ । उ॒क्थाः सप्त॑द॒शाः परः॑ सा॒मानः ।
ते स॒स्तु॒ता वि॒राज॑म॒भिसम्प॑द्यन्ते । द्वे च॒र्चाव॑तिरि-
च्येते । एक॑या गौरतिरि॒क्तः । एक॑यायु॒रूनः॑ । सुव॒र्गावै
लो॒कोज्योतिः॑ । ऊ॒र्ग्विराट् ॥ २ ॥

सुव॒र्गमे॒व तेन॑ लो॒कम॒भिज॑यन्ति । यत्परः॑ रा॒थन्त-
रं । तत्प्र॑थ॒मेऽह॑न् का॒र्य्यं । बृ॒हद्वि॒तीये॑ । वैरू॒पं तृ॒तीये॑ ।
वैरा॒जं च॒तुर्थे॑ । शा॒क्रं प॑ञ्च॒मे । रै॒वतः॑ ष॒ष्ठे । तदु॑ पृ॒ष्ठेभ्यो
नय॑न्ति । स॒न्तत॑य॒न्ते ग्र॑हा॒गृह्य॑न्ते ॥ ३ ॥

अ॒ति॒ग्रा॒ह्याः परः॑ सा॒मसु॑ । इ॒माने॒वैतै॒र्लोका॑न्त॒सन्त-
न्ति॑ । मिथु॒ना ए॒ते ग्र॑हा॒गृह्य॑न्ते । अ॒ति॒ग्रा॒ह्याः परः॑
सा॒मसु॑ । मिथु॒नमे॒व तैर्य॑ज॒माना॑ अव॒रुन्ध॑ते । बृ॒हत्पृ॒ष्ठं
भ॑वति । बृ॒हद्वै सुव॒र्गा लो॒कः । बृ॒हतै॒व सुव॒र्गं लो॒कं
य॑न्ति । च॒यस्त्रि॑ं॒शि ना॑म॒ साम॑ । मा॒ध्यन्दि॑ने प॒वमा॑ने
भ॑वति ॥ ४ ॥